

五經同卷

太上說南斗六司延壽度人妙經

太上說東斗主算護命妙經

太上說西斗記名護身妙經

太上說中斗大魁保命妙經

太上說中斗大魁掌算伏魔神呪經

傷二

太上說南斗六司延壽度人妙經序

三系法經並其後漢書卷五十五其書其目其

太清境太上老君兩度降蜀之臨邛姓大邑
至于鶴鳴山初授與微士張道陵正一盟威
秘錄二十四階品次授朝拜日月高奔鬱儀
結璘之真訣并三八謝罪滅除黑簿超慶玄
祖之文道陵先於中嶽已獲得黃帝九鼎丹
書後始在鶴鳴山隱居遂備藥物乃依其方
法修鍊三年丹成未敢服之乃謂弟子王長
曰神丹成就若服餌之當必冲天便為真人

矣然吾未有大德宜須為國為家除害與利
濟民庶所謂先施勤勞後可服丹即輕舉上
昇臣事三境則吾無愧焉由是果蒙
太上老君親降法駕荐授真文修行十日忽
於一時能內顧五藏外集萬神

太上復遣清和玉女教以吐納清和之炁行
三步九跡交乾履斗呼召九元以齊七政隨
罪之所指立攝伏精邪因吞餌大還尋滅除
小醜至是乃與六天鬼魔戰奪二十四治改
為福庭名之化宇降其帥為陰官置道者令
焚修於是明分晝夜人鬼殊運又於陵州仁
壽縣降紫十二天游玉女化地作鹹泉煎鍊
為鹽因名其地曰陵郡道陵道之成也至第
三度又蒙

太上降臨授以經籍千軸皆修行之要道將
傳付有道者令生身受度使未劫長存即與
道陵同遊成都

太上駕龍車道陵乘白鶴頓下五雲至太昊
玉女修大丹之所感地踴玉局座高丈餘
太上登于座中道陵稽首座下老君此時為

說北斗七元經削死延生之法即漢桓帝永
壽元年太歲乙未正月七日也至其月十五
日上元之辰老君又復為道陵說南斗六司
延壽度人妙經耳